

იმ შემთხვევაში თუ მომსახურების მიღების ფართს (მაგ.: აგარაკი, სოფელი) იყენებთ სეზონური დასვენებისთვის და შესაბამისად მომსახურებით სარგებლობთ მხოლოდ წლის გარკვეულ პერიოდში, სეზონური სერვისის (შემდგომში - სეზონური სერვისი) ფარგლებში საშუალება გეძლევათ მომსახურება შეაჩეროთ გარკვეული პერიოდით, ისე რომ არ იმოქმედებს მომსახურების ან ხელშეკრულების შეწყვეტის სტანდარტული პირობა და მომსახურებით სარგებლობის განახლებისთვის საჭირო იქნება მხოლოდ თქვენი ანგარიშის რეაქტივაცია, ყოველგვარი დამატებითი საინსტალაციო სამუშაოების თუ მოწყობილობების განთავსების გარეშე, შესაბამისი რეაქტივაციის საფასურის გადახდის სანაცვლოდ.

1. სეზონური სერვისით სარგებლობის წესები და პირობები

- 1.1. სეზონური სერვისით სარგებლობისათვის აბონენტი უნდა აკმაყოფილებდეს წინამდებარე პირობებით განსაზღვრულ მოთხოვნებს.
- 1.2. სეზონური სერვისით სარგებლობა შესაძლებელია მხოლოდ ოპერატორის მიერ დადგენილ გეოგრაფიულ ლოკაციებში (დაბა, დასახლება და ა.შ.) სეზონური სტატუსის მქონე აბონენტის შემდეგ მომსახურებებზე:
 - ✓ ფიქსირებული ინტერნეტი/IPTV;ამ პირობების მიზნებისათვის აღნიშნული მომსახურებები მოიხსენიება, როგორც - სეზონური მომსახურება.
- 1.3. სეზონური სერვისით სარგებლობისათვის აბონენტს გააქტიურებული უნდა ჰქონდეს სეზონური სტატუსი. სეზონური სტატუსის გააქტიურება ხორციელდება როგორც აბონენტის მიერ ოპერატორის ქოლ-ცენტრში/მომსახურების და რეალიზაციის ოფისში დაფიქსირებული მოთხოვნით, ასევე ოპერატორის შესაბამის შეთავაზებაზე აბონენტის თანხმობით.
- 1.4. **სეზონური სერვისის აქტივაცია.** სეზონური მომსახურების სააბონენტო საფასურის გადახდის ვადის დადგომიდან **10** კალენდარული დღის ვადაში გადაუხდებლობა ჩაითვლება, სეზონური სტატუსის მქონე აბონენტის მხრიდან შესაბამისი სეზონური სერვისის აქტივაციის მოთხოვნას (რომელიც აითვლება სააბონენტო საფასურის გადახდის ვადის დადგომის დღიდან), რაც გულისხმობს იმას, რომ სეზონური მომსახურებით სარგებლობა შეჩერდება აბონენტის მიერ მისი რეაქტივაციის მოთხოვნამდე ან შესაბამისი ხელშეკრულებით დადგენილი პირობებით მომსახურების/ხელშეკრულების შეწყვეტამდე.
- 1.5. **სეზონური სერვისის რეაქტივაცია.** რეაქტივაციის მოთხოვნა შესაძლებელია სეზონური მომსახურების სააბონენტო საფასურის გადახდის ვადის დადგომიდან **360** კალენდარული დღის განმავლობაში. აღნიშნული ვადის გასვლის შემდგომ ოპერატორი უფლებამოსილია ხელშეკრულებით განსაზღვრული პირობების შესაბამისად ცალმხრივად შეწყვიტოს აბონენტთან დადებული ხელშეკრულება.
- 1.6. **რეაქტივაციის საფასური დღ-ს ჩათვლით:**
 - ✓ შეჩერებული სეზონური მომსახურების, შეჩერებიდან პირველი **150** კალენდარული დღის ვადაში რეაქტივაციის შემთხვევაში შეადგენს - **5** ლარს, ხოლო მომდევნო **210** კალენდარული დღის შემთხვევაში - **10** ლარს.
- 1.7. სეზონური მომსახურებით სარგებლობის დროს (აქტიური მომსახურების ქონისას) შესაძლებელია შესაბამისი მომსახურებაზე დროებითი შეჩერების სერვისის გააქტიურება (პირობები იხ. <https://www.magticom.ge/ka/private/internet/internet-services/pause-the-service-internet>).
- 1.8. ინტერნეტი/IPTV სეზონურ მომსახურების სააბონენტოს გადახდის ვადის დადგომიდან **10** კალენდარული დღის განმავლობაში შესაძლებელია კრედიტის სერვისით სარგებლობა (პირობები იხ. <https://www.magticom.ge/ka/private/internet/internet-services/credit-internet>) კრედიტის გააქტიურებიდან **10** კალენდარული დღის განმავლობაში. წინამდებარე პირობების 1.4. პუნქტის მიზნებისათვის, აბონენტის მხრიდან სეზონური სერვისის აქტივაციის მოთხოვნად ჩაითვლება, კრედიტის ვადის ამოწურვიდან **10** კალენდარული დღის განმავლობაში შესაბამისი სააბონენტო საფასურის, მათ შორის

კრედიტით სარგებლობის პერიოდში დარიცხული თანხის გადაუხდელობა, რაც გულისხმობს იმას, რომ სეზონური მომსახურებით სარგებლობა შეჩერდება აბონენტის მიერ მისი რეაქტივაციის მოთხოვნამდე.

- 1.9. თუ სეზონური მომსახურებით სარგებლობა ხორციელდება სულ მცირე უწყვეტი 4 კალენდარული თვის განმავლობაში, სეზონური სერვისის მიზნებისათვის აღნიშნული ვერ ჩაითვლება სეზონურ მომსახურებად, რა შემთხვევაშიც ოპერატორი უფლებამოსილია აბონენტისათვის 10 სამუშაო დღით ადრე გაგზავნილი შეტყობინების საფუძველზე შეუწყვიტოს აბონენტს სეზონური სტატუსი, რაც ზღუდავს სეზონური სერვისის გამოყენების უფლებას.